



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiae,||

Molanus, Johannes

Antverpiae, [1592]

De Caroli Calvi Regis Francorum & Lotharingiae atque Imperatoris sacra
contra Nordmannos militia, quódque contra eosdem instituerit duos
Comitatus, Hollandiae & Flandriae. Cap. XX.

urn:nbn:de:hbz:466:1-38114

Adalgifus, à Senatu Romano reus maieftatis & hostis publicus iudicatus, bello contra se decreto in Corficam fugit.

De CAROLI CALVI Regis Francorum & Lotharingie atque Imperatoris sacra contra Nordmannos militia, quòdque contra eosdem instituerit duos Comitatus, Hollandie & Flandriae.

C A P. X X.

DVOBVS fratribus Lothario & Ludouico successit patruus eorum Carolus Caluus Rex Franciæ, illi in regno Lotharingiæ, huic verò in Imperio. Dum tamen Carolus solus Lotharingiam vsurpare nititur, per moderationem & industriam Ludouici fratris sui eò deductus est, vt æqualiter inter se regnum fratruelis diuiderent.

XII, Bra-
bantie Dux
Carolus Cal-
uus Impera-
tor.

Sigebertus
anno 871.

Hic in Francia regnavit annis xxxiv. vt notat Sigebertus. Cum Nordmannis Aquitaniam vastantibus bellum habuit annis decem, sed non valde prosperè. Vexarunt iidem Nordmanni Flandriam, & alia multa loca: cumq. bella ei contra eorum barbariem parum bene succederent, aliunde auxilia oportunè quæsiuit.

Illud itaque memorabile est, quod à Ioanne Becano, clerico & historico Traiectensi, ante multa sæcula litteris proditum est, Carolum Caluum Hollandiam omnino desolatam tradidisse nobili viro Theodorico, ad in-

stantiam Hachononis Comitis, ut is cum sua posteritate eandem ditionem feudali iure primus Comes possideret, & atroces Danos à finibus Regis Romanorum summa virtute depelleret. Qui Princeps secundo nonas Octobres circa tempora anni 10000. in Christo requieuit, postquam limites suos contra Danos imperterritè fortiterque tutatus esset.

Eiusdem Imperatoris ætate Flandria, quæ paucis tunc viris atque ædificiis ornata erat, & à feris magis quàm hominibus incolebatur, cuique à Rege custos præficiébatur, qui Francorum lingua Forestarius dicebatur, Comitatus dignitatem hac occasione accepit. Erat Balduinus Forestarius, qui Iudith Regis filiam, dum ex Anglia reuertitur, sibi rapere iuuenili quadam temeritate ausus est. Cuius rei gratia Caroli rogatu coeuntes Episcopi, Balduinum excommunicant. At cum facti eum non pœniteret, de consilio procerum Carolus filiam Balduino in matrimonium copulari permittit, & ex custode Flandriæ Comitem constituit. Plerumque siquidem id euenit, ait Gaguinus, ut quæ peccata atque iniurias facilè vlcisci non possumus, eas alicuius dignitatis ratione assumpta ad gloriam perducamus.

Denique Carolus Caluus cõtra Nordmannos conduxit operam Widechindi Saxonis, cuius origo existimatur pertinere ad illum Widechindum, quo cum Carolus Magnus bellum

bellum gessit. Eum itaque in Gallia Lugdunensi Andibus siue Andegauensibus prefecit. Hoc Widechindo procreati censentur Reges Francici, qui annos amplius quingentos ad nostra vsque tempora regnum Gallicum obtinuerunt. Sed nec bellum Andegauense feliciter ei cessit. Nordmanni, inquit Sigebertus, urbem Andegauis quasi in ea habitaturi cum suis omnibus occupant. Ad quam oppugnanda Carolus adscito Salomone Britonum Rege profectus, multis eam diebus obsedit. Sed cum Nordmanni iam ad desperationem adducti essent; Rex inuito exercitu, pecunia ab eis accepta, egressum eis annuit, eisq. hoc pacto peiora faciendi locum dedit.

Ad annum 875.

LUDOVICVM BALBVM Imp. secundo regni & imperij sui anno obiisse, cum contra Sarracenos sacram militiam meditaretur.

C A P. XXI.

PATRI Carolo successit filius Ludouicus, vir simplex ac mitis, iustitiae ac religionis amator; cognomēto Balbus, ait Regino, quod impeditioris & tardioris esset eloquij.

XIII. Brabantie Dux Ludouicus Balbus Imperator.

Carolo itaque mortuo extemplo Carolomannus Italiae regnum iniuit. At Ioannes Pontifex, iniuriis quorundam grauatus, in Galliam venit: vbi colloquio constituto, Balbus duris se eius atque Ecclesiae, quae commemorabat, temporibus non defuturum ostendit;

C 3 dit,